

apostolorum anno domini etc. LVI coram magistro consulum Nickel Sturm et suorum consedentium.

a) alles durchgestrichen

1013.

1456 November 3

Mathes Richter bekennt eine Schuld und verpfändet einen Acker.

fol. 189v ^(a)Mathis Richter, der tuchmacher, hat bekanth, daz er an kauffe eynis agkirs und eynir wiszin, dy er Michil Smidis gotseligen gelaszin witwe, synir swigir, ^(b)abgekaufft hat, ^(b)schuldig ist 30 nuwe schogk groschin, daz er ör czu notdurfft, wenne sy des bedarff, ynnewendig eynem jare uszrichten und bezalt (!) sol. Den agkir wir denne Matthes Richter czu rechten erbe gelihin haben. Denselben agkir^(c) hat Mathis Richter synir swigir czu eynem phande eyngesaczt, den wir ör czu phantlehin gelihin haben, ab er or nicht bezalung thun wurde, so mag sy sich sulchir schuld vor ydirmenlichem doran irholen. Actum quarta feria post omnium sanctorum coram magistro consulum et suorum consedentium anno domini etc. LVI.

a) alles durchgestrichen b-b) am linken Rand, Einfügestelle gekennzeichnet c) folgt durchgestrichen wir

1014.

1456 November 13; (1456 Dezember 1)

Hans Troltzsch bekennt eine Schuld und verpfändet seinen Garten.

fol. 189v ^(a)Hans Trolczsch hat bekanth, daz er Nickel Aptes tochter kinth, Stuwirs son, von wegen des jungin Nickel Aptes schuldig worden sey 7 schogk nuwir groschen ye 15 h vor eyn groschen, daz er dem kinde adder Hanszen Apten, synem vormunden, wenne es czu mundigen jaren komet^(b) addir bynnen des czu synir notdurfft uszrichten sal und hat oin sulche schuld mit synem garten vor dem obirn thor gelegen vorphant. Ab er nicht bezalung thun wurde dem kinde addir synen vormunden, so mag sich Stuwdir's son addir seyn vormunde sulchir nicht bezalten schuld vor ydirmenlichen doran irholen. Actum sabbato post Martini anno domini etc. LVI.

^(c)Sulch obgeschr(iebenes) gelt hat Jorge Apt uff gehaben in vormundeschaft des kindis, der on des quid ledig und loszgesagit hat. Actum quarta feria post Katharine.^(c)

a) alles durchgestrichen b) folgt durchgestrichen uszrichten c-c) Nachtrag